

Biakna Limsaklounha in Sialehpha Theihna a Pikhial

Jamson

Hebru laikhak geltu'n Jesu Khris tuh I sialehpha theihna siangsak diing a khros a hong si ahihdan hiai bang in ana gen hi, *"Khris, tangtawn Kha ziak a gensiat bei a Pathian kiang a kilan sisan in, Pathian hing nasem diing in na sialehpha theihna uh thilhih sisa apan nak hi siangthou natel inchia"* (Hebrute 4:14). Huan, Peter laikhak ah sapum siansakna hilou a I sialehpha siansakna a baptisma tan hi ahihdan hilh in I om uhi (1 Peter 3:21). Huan, huchi bang a sialehpha theihna siansak a omtate tuh ginna leh sialehpha theihna siangtak letchinten I mohpuak uh ahi hi (1 Timothi 1:19).

Hiai I sialehpha theihna siansak a omsa pen siangtak a letchintin diing I mohpuak ahihlai in tampite'n ana lenchinten zolou in a sialehpha theihna siangsa ana ninsak nawn uhi. Hiai tuh thil poi petmah khat ahi. Pathian in kha leh thutak a Amah bia diing a hon sapte I hi uh. *"Himahleh a hun a tungta, tuin leng a tungkin lel hi, huai hun chiang in Pathian be taktakte'n kha leh thutak a Pa be diing uh ahi, Pa'n huchibang mi a bemi diing in a zong hi. Pathian zaw Kha ahi; a bemite'n kha leh thutak a abiak ngeingei diing uh ahi a chi hi"* (Johan 4:23-24).

Kha leh thutak a Pathian be dia sap I hihlai a hiai kha leh thutak a biakna limsak lounha in I siatlehpha theihna a pikhial hi. Damlounha ziak hiam ahihkei leh i pumpelh theih hilou buaina khenkhat ziak hilou a, Pathian biakna i thulh chiang in a chil in i kisiamtan kei hi. Aziak bel i siatlehpha theihna in koih a bang hih a om diing i hia chih ahon theihsak ziak in. Biakna hun a biakna a tellou a koilai hiam a i om chiang in tua i omna mun hilou a i unaute toh Pathian bia a i omzawk diing ahihdan kuaman ahon hilh ma in i siatlehpha theihna in ahon hilh khin hi.

Hiai bang a i sialehpha theihna in ahon hilhna ngeingaih lou a, i hon nelhsia chiang in huai in meikuang bang in aban peh in awlawl in i siat-

lehpha theihna hihmial in ahong om hiaihiai hi. Biakna toh kisai a i sialehpha theihna ahong dau a, unaute toh biakkhopna a tellouh leng khok i hon sak theih nonlough chiang in thildang ah leng thil dik leh thil hoih hih toh kisai in i siatlehpha theihna ahong dauta hi. Huchi'n a tawp chiang in Sawltak Paul in ana gen mahbang in i sialehpha theihna tuh a sia leh a pha bangmah theikak thei nonlou diing khop a mei-am a bik leh halkeu bang in ahong om diing hi (1 Timothi 4:2).

Hebru laikhak gelhtu'n *"Hon thumpih un; bangkim a diktattak a om a, sialehpha theihna siangtak nei ka hi uh chih diktak in ka kithei uhi"* (Hebrute 13:18) achi bang in I chi ngam diam? Biakna limsak lou in, kikhop louh chin zongsat in nei lehng *"bangkim a diktattak a om a, sialehpha theihna siangtak nei ka hi"* I chi thei diam? Chi theilou hial diing I hi.

I siatlehpha theihna siansak a ompen I kepbit gige theihna diing in unaute toh biakna tengteng I limsak gige diing ahi. Huaiziakin Pathian ta muanhuai khat in tuh Sam geltu'n *"Toupa inn ah hoh ni, ka kiang a a chihlai un ka kipak hi"* (Sam 122:1) a chih bang a unaute toh biakkhawmna I kipahpih a, i thanop diing ahi. Nite a hoih nonlough ziak in I hun neih sung a tamtheipen Toupa adi'n pia ni! (Ephesate 5:16).

PLACE OF WORSHIP
Yusuf Sadan, Secred Heart
Cathedral, Ashoka Road,
Delhi - 110001
Phone No. 9953968807
website : www.cocdelhi.org

'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'

Enkaitu : Jamson Guite

BIBLE CLASS
Class Teacher
Adult : James, Siamkhanmuan
Inter. : Biakmang & Jamson
Junior : Minlun & Chiinpi
Primary : Vungngaihkim & Suanlian
Beginner : Chingkhanlun & Rosely

**TOUPA NI'
THILPIAK**

Date 12.05.2024 = ₹/-

THOUGHT OF THE WEEK

**"Toupa thuzohna adik a, lungtang a kipaksak nak hi.
Toupa thupiak a siangthou a, mitte ahih vaknak hi."
- Sam 19:8**

THU TUAMTUAM

THU TUAMTUAM

Biakna Hunzeek

Toupa' Ni

Date 19.05.2024

Hun-uk thumna : Nekkhothang
Lapi : Khamminthang
Thilpiak : John Mung
Theihgigena : Janglet
Thugen : James
Thumna : Thangzalam

Midweek online Bible Class

Date 22.05.2024

Thumna : Khamminthang
Sinsaktu : Chuck Horner
Thumna : Thangbiaklun

Kiginni

Date 25.05.2024

Hun-uk thumna : Amjangthang
Lapi : Zamthianlal
Thugen : Pauminlun
Thumna : Mungsuan

Toupa' Ni

Date 26.05.2024

Hun-uk thumna : Amjangthang
Lapi : Pauminlun
Thilpiak : Ginlian
Theihgigena : Thangbiaklun
Thugen : Jamson
Thumna : Kammuanlal

SUT DIA PIAK HITA

☛ Bible tract thupi tuamtuam li paite pau leh Thadou pau a sut diing chih ahih toh kiton in sutkhiak diing in Lamka a unaupa Chinsuanlal-te kiang a piakkhiak hita. Thupi li sutkhiak diingte ahihlele Hotdam a om di'n bang ka hih dia?, Saptuam, Piamangna leh Biakna. Sut zohpah lamet ahi.

PANPIHNA KIPIA

☛ Business meeting thupukna dungzui in i lak ua khosakna haksadeuh hi a theih unaute Gin Samuel leh Thangliankhup kiang ah Saptuam in panpihna in teng 10,000 tuak kipia hi.

LOHCHINNA NGAH UH

☛ Zan zek a pawl X result suak ah i lak apan exam pia Andrew Thangkhanlun s/o unaunu Nianglunmawi leh Lydia Nemthianhoih d/o unaunu Chingkhanlun-ten pawl x ana zoukhia uhi. Kipahpih huai mahmah uh.

Huan, Mr. Nenglian in leng pawl XII ana zoukhia hi. I lak a board exam tengteng in lohchinna ngah vek uhi. Kipahhuai lua. Toupa thupha.

SUNPIHNA

☛ Kal paita sung in Dudamari, Nepal a om unaupa Chandra in natna tuamtuum a neihte thuak zou nawnlou in a muan Toupa kiang honna zotsanta hi. I suun ua, a notsiat innkuante Toupa khamuanna i ngetpih ahi. Unaupa ahihlele Dudamari khua a thunasem leh Saptuam adia khuam poihohtak ahihman in ithuai mahmah.

INNLAM PAI

☛ Delhi a college kai a hong om unaupa Mangthianlal summer suti zang diing in kal paita nilaini in Lamka lam ah ana pai hi.

KIPATHU GENNA

Hun bangtan hiam khasum neilou a ka om laitak in, Khri a Unau itte'n na hon awlmohna uh ziak in dangkasum tampi toh na hon panpihna uh, kei a ding in manphalua a, thupilua ahihman in ka kipak petmah hi.

Hiai bang deihsakna leh awlmohna thupi ka tan ziak in unaute navek ua tung ah kipathu kon gen a, adiak in Saptuam thunasemte tung ah lungdam lua ing. I Biak Pasian in tua bang a panpih ngaite panpih thei ding leh mailam nawttou theizel diing in hon vualzawl zel hen chih ka thumna ahi.

Panpihna dawngtu
T. Thangliankhup

.....
A masapen in khri min in chibai.

Khri Saptuam, Delhi congregation in ka khovel khosakna a hon don zangkhai thei ding a Panpihna na hon piak uh kana mu a ka kipak petmah a, hiai i deihtohtak uh Suangphum tungtawn in kipathu ka hon gen hi. Maban hunte ah leng hiai bang nahoih semzom tou theizel din Pathian in hon ompih in hon vualzawl zel leh chih ka thumna ahi. Pathian in thupina tang hen.

Kipak, khri a na unau uh,
Gin samuel

CHURCH OF CHRIST, DELHI

**Finance Report
April, 2024**

Opening Bal.	11,81,650.00
Total Recd.	2,36,943.00
Grand Total	14,18,593.00
Total Expnd.	2,49,324.00
Closing Bal.	11,69,269.00